

O chho phenla pere phenyake:

– Muyom panoreske, chha!

Oy pa phenla:

– Phrala, ma pi katar, che kon pie kale panestar ka achho rogachi.
Eleno ka achho.

I pala gelo, phela:

– Phenoriye, de chha! Moliza man tuke chhe, phenoriye! De man te piav!

I phenori phenla:

– Ma pi phraloreya! Ka keren man, ka achhoav korkori. Na chuviza man kate te ushtela man. Ma ker kaya butori ba, phraloreya! Ma ker la. Molizav man tuke va!

– O-o-o! Merava, phenoriye! Nashi te terpizav po-but!

Bangyol o phral te piel ando len pai. Vednaga achhola elenos. Achhola rogachi, ba-a-a-re shingentsa. I nanay kate te zhal. I phenori achhola. I phen phela pe phraleske:

– E, phrala! Me tuke vakerdom, ama tu man na shunzen. Akana, so te kerav?

– Ma ha ti hoi, phenorie! Ake kate o klaniko, i haink. Ka thav tut upru. Hem ka kates tuke, hem ka beshes tuke.

Kerel lake kodova..., chukar upru te na perel. Gradiskere lake.

– Me ka zhav ta chaarav i devet ka avav pash tute. Na te mukav tut! Ma trasha!

I thoe pe phenya upre ko kasht. Beshti i phen. Omraznisilo lake. Hem katela, hem zebela. Baya beshti tar i avela o thagareskoro raklo te gele. hanikyate pe grasten te pien pai. Mangen e grasta te pien pai ando klaniko. Ama kay dikhena i chhai upru, upral o kasht – fuknizena, nashena. Ingalena len. Ov phenela:

– Nay zhadna! Ach te ingalav len!

Irizine te zhan peske. Gele peske.

O thagar phenla pe chhaveske:

– Pile li e hayvaya pai?

– Nakamle te pien. Nanay zhadna.

I zhana e grasta ando yahei. Kopainena, kopainena changentsa. O thagar phenla:

– Ka ingalav len! – phenla – Zhadna si!

– Mi machiskerom le! Na kamle! Tase pala, akana ratilo.

Lel pes na drugiya den, pala zhala te del e hayven pai. Pale vazdena e grasta. Pale dikhena natele, pale fukizena. Pale na kamena pai te pien.